



21791

kat.komp.

III

Mag. St. Dr.

P

Iohannes II. Nepos

Caneverii Francisci Gratitudo erga Alumnum  
D. D. Joannem in Zamoscie Zamozski  
magnum Joannis et Thomae nepo-  
tem et filium

PANEG. et VITAE

Polon. Fol.

Æ 1729.







# GRATITVDO

*Ergà*

ILLVSTRISSIMVM DOMINVM

D. JOANNEM

IN ZAMOSCIE

ZAMOYSKI,

Comitem in Tarnow,

PRÆFECTVM KALVSSIEN: &c. &c.

Magnorum

IOANNIS & THOMÆ,

Cancellariorum & Senatorum Regni  
prudentissimorum

NEPOTEM & FILIVM

Ob Aedem ac Aedes

Regali plane dexterâ Musis & Professoribus Academicis in solo Gentilitio erectas

RECOGNITA

In Personâ Almæ Matris Poloniæ

A .

*Nobili & Ingenuo Adolescente FRANCISCO CANEVESIO Iurisprud.  
& Eloquentiæ Candidato.*

Vnâ cum studiosâ Iuuentute Pœseos: Ad Aras & Ferias D. IOANNIS  
BAPTISTÆ, desiderium & vota sua inabsentiâ Illustrissimi Patroni ter-  
tium annum ætatis Climactericum agentis, pro felicissimo ad Patrios Lares  
reditu, medullitus Concipientis.

In Publicâ Lectissimorum Virorum Panegyri

EXHIBITA

Anno ab Ortu SOLIS IVSTITIÆ M. DC. XL. VIII.

CRACOVIÆ, In Officinâ Stanislai Bertutowic, Anno Domini 1649.

*Bob.*



IN STEMM A  
ILLVSTRISSIMORVM  
MECÆNATVM.



Quid sibi vult clarum SARIORVM insigne sarissa  
Triplex? quidvè notat, ter geminata Trias?  
An tria fulcra refert sextans? ita: nempe Videtur.  
Omnis abesto timor, murus aheneus est.  
Magnus Auus, Magnus Pater, omine filius idem  
Ex Magnis magnum nonne? Videre licet.  
Ardua Virtutis (fateor) via, gloria cuius  
Summus apex, illic pulchra corona sita est.  
Hanc Auus, hanc Pater emensi, inuenère coronam,  
Orbis non poterat; nî caperetue polus.

21. 791 III

LVCAS PRVSINOWSKI,  
Succam: Bełzeń: Filius.





Ad Illustrissimum Dominum

D. I O A N N E M

I N Z A M O S C I E

Z A M O Y S K I,

COMITEM IN TARNOW, CAPITANEVM KALVSSIEN: &c.&c.

Dominum & Patronum benignissimum.

**M**odicus hic ingenij & eloquij mei partus, Tibi & Fortunatis Amplissima Prosapia Manibus consecratur, Illustriss. Domine Literarum, & Literatorum singularis Patrone. Tributarij officij nostri & Vestri beneficij Niceterium, & prolixissimū argumentum est. Famam solam rerum venum non exhibeo: rem dico. Hic ab inclytā Poloniā debitum amorem; ab Academia officiosum obsequium unusquisq; legit. Etsi utrumq; horum alicui præstandum: quomodo non Tuo Honori & Nomini, cuius spe recreatur in dies Polonia, opē & operam præstolantur Nobilissimi & Liberrimi præ reliquis Gentibus eius Ciues, vltro iure suo deferendum venit? Sanè contra Academia Tuam Charites agerent, & acriter quererentur: si testimonium aliquod, post diutinum presentiae Tuae desiderium, in tam exoptato ad Lares familiares reditu, non exhiberent. Merentur id Diuorum Maiorum merita, in omnes orbis partes diffusa; erga Deum pietas, amor erga Patriam, in omnibus gestis magnificencia, magnanimitas incredibilis. Meretur insignis iste tuus affectus, quod ad miraculum vsq; in bonas literas, & cultioris Literatura viros ferneris: adeo vt, futurus sis, & ipse aliquando Magnorum nō contemnendus Mecanatu numerus. Et ego cum bonis omnibus, fauco huic gloriae Tuae; quae alias non nisi maximis ingenijs, & optimè de Repub. mereri volentibus obtingit mentibus. Debetur autem & Generosissima Tuae Indolentiae, vel ex eo præcipue, quod eorundem Maiorum vitam & facta gloriosa, vita Tua ipsius speculum & imaginem ob oculos proponas. Illi Tibi regula & amussus sunt, fortiter in castris, prudenter in rostris, agendi, & aiendi. Illi facem præferunt, cuius luce & Vir, & Cuius bonus sis, & habearis. Illi iritam aperiunt viam, vt ad Patriam tutandam, meritisq; clarissimis illustrandam, in fatali ad omne hereditarium decus Domo, natum Te esse recognoscas. Sed enim id, quod steriliter attigi, fusiùs ipsa Nominis Tui mentio nota per plagas omnes orbis cultioris, loquitur. Mens & sermo vnanimis circumfertur exterorum, qui studiosius Heroica Sarmatiae facta pensitant. Genus Vestrum, Virtutum, Laborum, Doctrinae, Honorum esse sedem compendium, seminarium, domicilium; in quo, id venerari vniuersim liceat, quod singillatim præstantissimū, alia quæuis Nobilissima in orbe Sarmatico, Familiae habent, aut habere satagunt. Scilicet, vt iam innui, Diuina Fata Deus inquam, Opt. Max. fatorum Orbis & hominum Moderator Zamoscianum benignissimo afflavit Fauonio genium & ingenium, ad optima quæq; & maxima peragenda. Quia Dei propaganda gloriae, Patriae & Ciuium necessitati subleuandae, sua omnis desudat industria, sua militat fortuna, facultas, vita; vt, verè de illo dici possit, cum exquisito morum Magistro. Nihil vnquam opinionis humanæ causâ, omnia conscientiae fecisse. An enim Catholica Romana Religio patrociniū, & augmentum? an Respub. Iuris, & Legum Tribunalitiā tutelam desiderauit? an Pallas docta, cum suis Cultoribus & Alumnis, amulatricem cum maximis quibusq; Imperatoribus & Regibus non experta munificentia, in solo ZAMOSCIO RV M Gentilitio? Ædepol in his Athenis Roxolanis, quod hodie litera viuunt & spirent, facit id Maiorum, & Tua innata beneficentia, omni aeo memorabilis, quae multarum ætatum posteritatem post se trahet in admirationē, prædicationem. Eius echo tamdiu resonabit, quā diu laboriosus Apollinis catus, imbre beneficentiae Tuae, in viridario Triplici gentilitio munimine Regaliter circumducto irrorabitur. Sed in hoc passu pluribus desudare non deterrerer: nisi illud timerem, ne ieiunae scriptionis tenuitas, qui hac legit, suboffensum redderet: ne fastidium aliquod Tibi grandia & salubria quæq; de Patria meditantī. ingeneraret: præsertim cum exploratum habeam ad magnas natas indoles, nec abiecta quæq; pro sago & togā cogitare; nec cum eadem ipsa exequi imperterritō occipi-



to occipiunt spiritu, pati, ut verbis mediocribus exeat, in publicum fama monumentum. Quo in passu, Veritas ipsa nunquam Verius caneret, atque Hymettico melle & ambrosiâ omni dulcior D. Ambrosius lib. 1. de Virginibus effatus est. Nemo est laudabilior quam qui ab omnibus laudari potest. Neque aliud ipsa ingenij Tui præcellens Generositas spondet quâ Virtutis bonum æstimare, & recte iudicare de honestatis studio, vis, potes, soles: Cum pectus masculum omni genere politioris eruditionis excultum geras: cum ita Tibi in vno ore, cum multis multa prudenter aiere; in vno auditu multos audire liceat: cum non vno celo, nec vno sole domestico contentus vixeris: sed ad comparandam singularem pro Patriæ bono, prudentiâ, rerumq; agendarum dexteritatem, Vlyssæ cautissimum imitatus: tot mores, tot populos, tot leges, tot Regna, modestè & integrè perlustraueris. Nimirum illud etiam est, quod præter reliqua ignavia argumenta plebeias animas arguit & infami notat digito, quod in angulis ad focum sinumq; matrucularum otiosi & delicati hæreant, & consenescant; domo solâ latitent. Illi rursus omnes caelesti ingenio præditi censentur, qui calum imitari, gaudent motu. Idcirco cum ex tam longinquâ peregrinatione omni elegantiorum Virtutum & experientiarum suppellectili onustus excultusq; ad Lares Patrios remeas. Merito Tibi Illustrissime Domine Literaria Iuuentus sub Tuo Nomine, Tuo in Patrio solo, Tuâ in Academiâ honestis disciplinis, in rem Patriæ animum imbuens, obuiam prodit salutatum. Atq; quod ante paucos menses medullitus apprecata fuerat Die Natali Tuo solenni, cum debitâ gratiarum actione, hoc die hodiernâ, in exoptato ab exteris, nationibus reditu, dicat & consecrat: multamq; faustitatem & Repub. & Academiæ Vouet & gratulatur. Patere ut soles humaniter fructu hoc ingenij & eloquij, modicus licet sit, Tuos recreari oculos & animum. Cum enim non liceret à fortunâ accipere, quod Tuâ dignum esset amplitudine: ab ingenio extorsimus, quale quale vectigal ad gazophilaceum Virtutis Tuæ accessurum. Licitabimur cum Superis & obsidem animum precibus interponemus, omnes Academicæ Tui: Ut Te Diuis Auo & Patri persimilem Deus Opt. Max. longauum Poloniæ ornanda, Libertati Equestri amplificanda, Academia defendenda & augenda, in perpetuâ caelestis prouidentia Tutelâ conseruet, quàm florentissimè. Ita cum bonis omnibus medullitus voneo, & auco.

*Illustrissimo meo Mecanati*

*Cliens obsequentissimus*

M. IOANNES BAPTISTA CZECHOWIC  
Phil. Doctor, in Acad. Zamosceń. Professor.





# GRATITUDO RECOGNITA.

**S**I PRO recenti, & omni ævo memorabili beneficio Illustrissimi Literarum & Literatorum Patroni, in me Poloniam Patriamque suam charissimam, parum luculenter gratias egero; quæso, obtestorque strenui Bellonæ & Mineruæ Alumni, nè meæ potius in dicendo tenuitati, quàm beneficiorum magnitudini Amplissimæ Domûs ZAMOSCIORVM, id tribuendum putetis. Si quidem nullum tam illustre & Diuinum ingenium, nulla tanta Oratorum dicendi vbertas, & copia reperietur; quæ cumulatè & expeditè, tantam Illustrissimæ Domûs in me, Literasque magnificentiam, tantam pro bono communi propensionem, verbo expedire possit: quam non comparare tantum dicendo, cum vetustissimis, atque munificentissimis Regibus, Ludouico Franciæ pientissimo, Alphonso Aragoniæ magnificentissimo, Vespasiano Romanorum Imperatore liberalissimo; sed etiam illis præferri, iure & merito nisi fatear, impia atque ingrata sim omnino. Magna pro certò horum laus, imò perennis, pennis Oratorijs, & omnium Gentium linguis, atque Panegyricis ubique celebratur; qui ex communi bono potius, quàm proprio largi & liberales in Patriam suam & Rempub. exstiterunt. At meritæ & edecumatæ Domui Zamosciorum, qui non ex communi ( vt aiunt ) peculio, sed honestâ industriâ, sinceroque labore proprio, quæsitis & acquisitis opibus, illisque largè & alacriter in Reipub. salute collocatis, profusione denique sanguinis & vitæ, Patriam ditârunt, defenderunt; quis dignus modus, quæ par ratio, recompensandi reperietur? Vnicum ego inuenio: modo liceat per vos ô charissima Lechiæ meæ pignora, si non maiorem, liceat inquam saltèm parem, gratâ beneficiorum commemoratione refundere gratiam. Hæc etenim ipsa, qualis qualis censetur laudatio; agnitio est immortalis beneficij, quo Patria & Academia, per Academiam verò vniuersi Ciues augentur, ornantur perquam augustissimè? Scilicet reddit beneficium, qui debere se fatetur, nec amplius iniurius potest dici erga Patronum, qui se præstat beneficij gratum & semper memorem. Hinc non frustra Metellus, gratias Dijs deberi à Romanis aiebat; quòd Scipio cum talis esset non in Indiâ, sed in Italiâ, non in aliâ, sed in eorum Vrbe, nempe & capite Urbium vniuersarum orbe exstisset. Quò quis non intimè gratulabitur Patriæ; ad quam non ornandam tantum, sed defendendam vetustissima Zamosciorum Domûs cælitus data, & nata esse videtur. Felicem statum Reipublicæ? fortunatos eius Equites, beatam Libertatem Polonam præsidijs Zamosciorum velut Alpibus circumdu-



cumductam? Vna olim Curionum Familia sufficebat, ad tutandos Romanorum Lares, ex quâ semper Tres continuatâ serie, & Bellatores fortissimi, & Oratores grauissimi prodierunt. Pater, Filius, Nepos. Vna Fabiorum, in quâ continui Tres Principes Senatus Romani. Vna Illustrissima Domus ZAMOSCIORVM his omnibus longè antecellit. Nam quot mei Penates viderunt ZAMOSCIOS; tot mirati sunt virtutes: quot spicula, tot miracula: quot noui Acroamatis à VLADISLAO Iagellone è Kozlorogis IELITORVM Stemmata, tot Lechici poli sydera fulgentissima. Sed ego interim vobiscum, vnicum istius vetustissimæ Profapiæ furculum libens & lubens admirari aueo. Polonæ meæ nobilissimæ Iuuentutis facilè Principem, IOANNEM Præfectum Kalusiensem dignissimum: cuius mascula indoles, eximiaque virtutum scintillæ, in tantum bonorum & cordatorum animos, & minimè expectationi invidentium oculos exhilarant, atque etiamnum non immemori linguâ ad æternitatem posteritati, transmittunt, in quantum beneficij, præsidij, ornamenti, à Maioribus eiusdem accepisse, se didicerunt. Æquum sanè hodiernâ die auspiciatissimâ, ad Aram Diui IOANNIS BAPTISTÆ, Præcursoris Christi, quod vt eò alacrius, quisque peragat, ego æquissimum censeo, vt pro felicissimo rerum Amplissimi Patroni nostri successu, ad Aram & Ferias has sacras Diuo IOANNI BAPTISTÆ, cuius auspiciatissimum pro tutelâ Gentilitiâ Nomen Amplissimus Patronus gerit, & in præsens tertium iam ætatis suæ annum climactericum terminat, vtinam nouos, in multas post olympiadas saluberrimè, felicissimè, florentissimè protrahat, & bonorum omnium hæditariorum, tam à Paternâ, quàm à maternâ Domo honorum, per virtutem & verum proprium laborem manantium satur, tardo fato concludat, omne desiderium nostrum, omnia vota, ad eundem Diuum IOANNEM BAPTISTAM conferamus. Nam licetsi interim præsentem eum coram intueri, tam dissita locorum interualla non sinunt, tamen beneficium istud recens & augustum, quod in his Musarum sedibus Regaliter erectis, & dotatis intuemur, excitat nos, vt, in coronâ vestrâ frequentissimâ viri Lectissimi, qui huius beneficentiæ viui testes & admiratores estis, & Patrono Illustrissimo, & suis Amplissimis Maioribus, gratias iustas, per quàm officiosissimo cultu, votis prolixissimis persoluamus. Adeste præsentibus auribus & animis, qui, adestis corporibus, & fauete chara Poloniæ pignora. Ac vt inprimis illa nimis antiqua præteream, quæ, vetustissima SARIORVM Familia Poloniæ præstitit, à quâ Nomen suum ZAMOSCII deduxerunt. Parum illi olim fuerat in auerruncandis Patriæ malis publicis, contra Othomanicam barbarorum gentem, contra Scythicam latrocinantium pernicitatem, lacertos suos opposuisse: quin imò Rege VLADISLAO ŁOKIETKONE Sceptra imperij Sarmatici gloriosè & victoriosè administrante, sub tempore belli Prussici, pro integritate Reipub. pro tutelâ Patriæ libertate, sanguinem & vitam tribus Hastis quasi venalem subiecisse, in illâque deplorandâ potius, quàm commemorandâ statione, Martem, & mortem maturasse; eandemque Posteris suis in amore Patriæ, pro Patriâ propinasse:

Ingens



Ingens semper Amplissima Domus Kozlorogorum erga Patriam, pro libertate Equestri propugnanda, amplificanda; tessera fuerat, mori posse; vivere non posse. Discant Ciues Nobilissimi ad miraculum, effusum in Patriam amorem; in qua si qui adhuc domi peregrini sunt, intelligant, sanguinem & vitam pro aris, & focis patrijs non dicam impendisse, sed effudisse perlibenter. Sed cuperem ego, ut si in recensendo, memoriâ Mithridatis, Scæuolæ autoritate in agendo, facilitate Ciceronis in scribendo, in eloquendo Demosthenis aut Carneadis quondam apud Athenienses, cæterasque Græciæ Vrbes eloquentissimorum Oratorum excellere facundiâ: illi soli bellicosissimos Inclyti huius Nominis Bellatores, strenuissimos Duces & Imperatores, qui fines Regni ampliârunt, Patriam conseruârunt, Genus IELITORVM cum ipso Lecho natum propagârunt, auxerunt, complecti possent dictione. Verum hæc, ut dixi, nimis vetera & longinqua venerabunda silebo: Illa tantum haud longè ab annis nostris, recentiora, Numina & Reipub. Lumina, quæ Patriam illustrârunt, acri & alacri dexterâ ab incursionibus hostium vindicârunt, honestissimis literis vitam & spiritum donauêrunt præterire, nisi ingrata, nec possum, nec debeo. Ac imprimis Magnum Patriæ Patrem, Magnum Cancellarium, Magnum Exercituum Regni Ducem, IOANNEM ZAMOSCIVM, qui ore omnium bonitas, & beneficentia dictus, cuius maxima virtutum prodigia, etiam num Orbi vniuerso emicant, enarrarem: nisi Suadæ balbutientis tenuitas, immensâ rerum gestarum magnitudine, singularemque in Rempub. promeritorum seriè obrueretur. Ingenuè fatemur. quod in re ipsa est, & libere loquimur. Fuit ille Religionis Athlas, Orthodoxæ Fidei Conseruator, Custos Legum, Hæresis Hostis, Assertor Libertatis, fulmen bellorum, terror hostium, splendor Lechiæ, Regum delictum, culmen Senatûs, Vindex scelerum, ludiciorum æquissimus semper Arbiter, Musarum Mecænas, Literatorum corculum, virtutum & laborum Censor, Promotor. Pro lege Rege, Grege, murus fuit. Summis olim gaudijs & laudum encomijs Senatus Populusque Romanus Claudum Quintillum excepit atque celebrauit, quod fuso exercitu hostium numero, ipsoque Duce Galieno victo & victo, feliciter illum è bello Imperatorem redeuntem, faustis acclamationibus salutasset. *Auguste ( inquit ) Claudi, Dii Te nobis dederunt, Claudi Auguste Principem, qualis tu es, semper optauimus.* Laudasti & tu Pompeium tuum Marce Tulli, facundo & facundo in plausum ore buccinasti, quod plura bella gessisset, quam alij legissent, plures subiugasset prouincias, quam alij adiissent. Tantamne in laudib⁹ eius ponis ( ut sapientissime Plinius ait ) humani generis iniuriam? Nimirum, non ex animi tui sententiâ istam Te instituisse commendationem, sed ex necessitate respondes? Quod si Tu Heroum fortissimum, alterum Agamemnona, Magnum IOANNEM ZAMOSCIVM vidisses? cum Ioanne Basilide Moschorum Duce potentissimo, eoque domi atque foris, propter arma & fortunam improbitati & crudelitati suæ fauentem, formidabili, Martiam rem gerentem. Quid si mille ab eo machinas bellicas in Polonos explosas, si vasta & ingen-



tia audiuiſſes tonitrua? negaſſes tantam Pompeio commendationem, omni æuo memorabili, & in omnium recordatione temporum victuro calculum adieciffes Magno IOANNI ZAMOſCIO. Teſtis eſt Liuonia Duce illo, difficilibus equidem, ſed exitu feliciffimis prælijs recuperata, ex faucibus Sudermanorum perduellibus dexterâ, inuiſta Polonorum ſigna, & Sariffas ſuas ſequentium glorioſè erepta, Regio & Regni iuri reſtituta. Teſtis Maximilianus Archidux Aultriæ, ad Cracouiam & Byczinam Coronæ Polonæ cupidus, & Sceptri Regalis SIGISMVNDI III. æmulus profligatus, ſpe regnandi deluſus, in pacta pacis æternæ conuenta vellet, nollet accedere ad Będzinum reductus. Quid ſi numeroſiſſimorum Scytharum, Crimienſium, Perekopenſium, Nahaienſiumque, Chan Kaſfigereus, alias belli gerendi, minimè ignarus è funeſto tumulto ſuum Plutoni redditum reduceret ſpiritum. Quid ſi Daciæ vltioris tyrannus Michaiſo ad Teleſinum amnem ita turpiter victus paucâ manu, vt, ne nuntius quidem cladis extiterit, qui domum rediret, in aſpectum exiret, caputque illud ſuum pilolum, oculos emiſſitios, frontem rugoſam, genas liuidas, pectus fraude plenum, dexteram ſanguinolentam viſui exponeret. Quid ſi ore barbaro inuidoque etiam loqueretur? Nonne cum omnibus alijs quibuſcum manus conſeruit. Magnus IOANNES ZAMOYSKI, fortiſſimum illum agnoſceret Imperatorem & militem plenum gloriæ & immortalitatis. Hinc illud proceſſit commune Ciuium tripudium, quod quotieſcunque re, cum hoſte laudabiliter conſectâ, prodiret in publicum, toties illi cateruatim Senatus populuſque Sarmatici Poli, cum fauſtis acclamationibus iret obuiam, inſolitâ gratulatione & geſtienti gaudio ſubſiliens Equeſtris Ordo, identidem buccinaret. Inclyte ZAMOſCI, Inclyte ZAMOſCI, Deus Opt. Max. Te nobis dedit. ZAMOſCI Bellator optime. Talem qualis es Senatorem, talem Cancellarium, talem Exercituum Ducem ſemper cupiuimus. O Zamoſci prudentiſſime? fortiſſime? Tanti eum tanti Reſpub. æſtimabat. Cuius rei viuos vos teſtes & ludices appello, qui illi vnanimiter, alij nemini antè ſolito eoque in Poloniâ Acromate nomen deſignatiſtis Patris Patriæ. Tantum fortitudini & dexteritati eius STEPHANVS BATHOREVS vtroque tempore Rex præſtantiſſimus tribuebat, quantum Philippus ſuo Parmenioni, Xerxes Zopyro, Darius Megabiſo, Roma Catullo, Mario, Lucio, Dentato, cæteriſque eximijs Ducibus. Atque hîc ego ſuccenſeo mihi, quod ita ieiuñe & ſteriliter procedam in recensendis geſtis & laudibus Tanti Herois, quibus nulla ſufficiat diſertiſſimorum etiam Ciceronum & Iſocratum Suada. Detur lubenter ei glorioſum illud Iulij Cæſaris Symbolon, quod victorioſiſſimus STEPHANVS BATHOREVS & SIGISMVNDVS III. Magni Reges, Exercituum Ducis & belli Dictatoris mei ZAMOſCI, virtute & operâ fideli & felici uſi, contra quoscunque proceſſiſſent hoſtes, quaſcunque adiſſent bellorum tam offenſiuorum, quàm deſenſiuorum iuſtâ de cauſâ ſuſceptorum rationes, ſemper veniſſent, vidiſſent, viciſſent. Sed ne inſolentior & ambitioſior videatur notio, Tibi potiùs Omnipotenti cæli & terræ Monarchæ incomprehenſibili, ac iu-



li, ac iure meritissimo D E V S gloriosissime. Tibi Patrono singulari & tutelari Illustrissimæ Domûs Zamoscianæ, Diuinissimis vtriusque Legis Sacræ Tabulis decantate IOANNES BAPTISTA, tantam felicitatem, tam strenuam dexteritatem, tantas & tam gloriosas victorias ex hostibus ferocibus multoties reportatas, adscribo & concedo reuerenter. Merito tua hodiernâ solenni festiuitate, & festiuâ solennitate D E O cumprimis victoriarum omnium Authori, tum Tibi magno Magni Triumphatoris Præcursori, pro salute Illustrissimæ Propaginis, Magni Aui suauissimi Nepotis, Maiorum suorum vestigia contento studio & stadio sequi aspirantis, quem Patria sua charissima ex amplexu in exterâs ablegauit nationes, iustas grates persoluimus, iusta vota cum animis optimè, optimæ Indoli eius apprecantium offerimus. In illius longauâ & florenti vitâ, Reipub. integritas, Equitum ornamentum, Libertatis & Nobilitatis propugnaculum, Literarum augmentum, Martis & Artis Cultorum certissimum futurum perfugium, nemo nisi inuidus non videt. Agite Nobilissimi Equites, & ad vota, vt dixi, pro vitâ Illustrissimi Præfecti Kasus. mentes vestras componite. Agit certè agit eum generosior sanguis, Arma, Literæ delectant. Qui gratus esse cupit ergâ Benefactores, eum beneficium recognoscere non pudeat: sed illud ipsum ad sempiternam Famæ & iustæ laborum virtutumque remuneratricis Themidis iunctæ Palladi, memoriam, promoveat, deprædicet. Neque hæc, quæ audistis non maxima fuerant fortitudinis bellicæ, Ciuilisque prudentiæ, & magnificentiæ monumenta: sed vltèriùs ire properat oratio. Intueamur vltèriora, Liberalitatis clariora symbola: percurramus, euocemus Principis optimi, & Patris Patriæ numeros, regulam meherculè normam & speculum quæ intueantur, æmulentur, perficiant reliqui. Definiamus absolutissimum benè gerendi vtroque tempore, Ciuem & Senatorem optimum. Et ita vt illius officij & est, non solum ea, quæ ante pedes ( vulgari sermone ) iacent; verum etiam, quæ futura sunt, præpropere prouidere. Ita contra ille nequaquam meretur optimi & prudentis laudem, qui totus bellicis immersus tumultibus, totus felleâ Martis bile tumens, totus in sanguine humano volutari & debacchari cupiens, nunquam de pace cuiquam bono exoptatissimâ cogitat, bellum minime bellum assiduo meditatur, altos spiritus pectore spirat. Cuius frons Cmonis misanthropi, & ad conuictum ciuilem & ad ipsum genus, hominum odio & rabie plusquam caninâ exarmatur, cuius cor & cruenta dextera sæuitiæ & crudelitati Neronianæ, cæterisque naturæ prodigijs par in cædibus latrocinijisque domesticis æquè & externis exæstuat, cuius nasus, nasus vulturum est, nullibi alibi nisi in demortuorum cadaueribus delicias & pabulum quæritans. Qui nihil commodi habere potest cum anguillarum piscatoribus, nisi turbetur mare patrium. Quocirca non solum nostro imperio militare credimus illos, qui gladijs, clypeis, thoracibus nituntur, sed qui gloriosæ vocis munimine laborantium spem, vitam, & posteros defendunt, infantes à noxijs, imbelles à potentioribus protegent; Vno omnia claudam verbo: Ille vtroque Ciuis optimus habetur, qui pacis



qui pacis & belli temporibus publico bono, incolumitati Ciuium, integritati Patriæ, sedulo pacem & tranquillitatem ex armis & Literis procurat exoptatissimam. Vidit id, vt acutè semper in omnibus, Diuino planè ingenio præditus Heros, vidit THOMAS ZAMOSCIVS Regni Cancellarius immortalis memoriæ dignissimus, vidit inquam & prouidit Pater eius Exercituum Dux, Magnus IOANNES ZAMOSCIVS, vtroque tempore vtrique Magni. Magnus Pater, minimè minor Filius, virtute, eruditione, labore, meritis, honore. Tanti sanè erat Luminaria duo hæc in orbe meo Polono non extingui, vt Respub. & Scholæ ipsæ luctum & squalorem induentes silentio ingemuerint, & ipsam eloquentiam paulisper consistere in stupore ingentium sollicitudinum vtrò sint passæ. Deum immortalem? quæ & quanta illi in vitâ egerunt? magna, ampla, singularia, Diuina omnia. Cõdidit ille Vrbes, Ciuitates, Castella, Tempa, propugnacula, ZAMOSCIVM, Szarogrodum, Iwangrodum? Condidit & Filius: Thomassouiam, Iampole, Tempa ædificauit? ædificauit & Filius: Pater THEODOSIVM, CAROLVM, IAGELLONEM, cæterosque celeberrimos celeberrimarum Academiarum Fundatores in Roxolanis Athenis imitatus. A fundamentis erexit Academiam, omnium scientiarum locupletissimum emporium, omnium bonorum ærarium? Dotauit liberalis Filius, ampliavit, locupletauit: Magnum ecastor id Illustrissimæ Domûs ZAMOSCIVM factum, sed iam domesticum factum. Nam vterque dictorum, hostili furtiuâ dexterâ, tot ereptis olim & per se feliciter recuperatis Regio & Regni iuri, tot Prouincijs, tot debellatis subiugatisque hostibus, tot attritis & oppressis perduellionum viribus, hoc vnicè procurabat, vt quam florentissimam præter arma, Literis ingenuis Patriam relinqueret. Quo in passu vltèrius demonstrando, cum multa consulto prætereo memoratu dignissima: Illud nihilominus insignis prudentiæ argumentum silere nequaquam possum. Cum videret inter plurimos Polonorum Proceres, nescio quo fato immortales quasi in dies nasci, offensiones, dissensiones, discordias lites exoriri, illisque animos exulceratos diutiùs occupari, quàm anni vitam prorogarent: adeò in his condoluit religiosissimus Heros, æqui iustique amantissimus, vt comperendinationum istarum, forensiumque in cancellis Iudiciarijs controuersiarum nauseam & procrastinationes quibus ad turpem quæstum & lucellum itur STEPHANVS BATTHOREVS Rex suasu, & prudenti illius consilio finem imponeret, Iudiciaque Tribunalitia constitueret. Post tot tantosque exhaustos domi militiæque labores, thesaurum omnium thesaurorum pretiosissimum Ciuibus aperuit, insigne exemplum virtutum, rarissimum sed tutissimum bonarum artium portum, Academiam hanc celeberrimam intelligo, procurauit. Ex quâ multi trabeati Satrapæ, viri armis & literis amplissimi, ad Reipub. munia obeunda, tanquam ex equo Troiano prodierunt. Considerate hîc mecum quæso, quid charitatis? quid beneuolentiæ? quid gratitudinis, munificentissimæ Domui Zamosciorum debeamus? ô spes! ô vota! quid magnificentius? quid vtilius? quid gloriosius? ab hac liberalissimâ Prosapie Polonia sperare, imò optare hoc beneficio potuit: cuius si amore



morem erga me specto, fateri cogor maiorem haud vnquam, à primis Poloniae exordijs quempiam Patriae praestitisse: vt sic, beneficentia ZAMO-  
SCIORVM vndequaue cæteris magis absoluta & perfectior videatur. Paucorum equidem & non istius sæculi Heroum virtus est, nec fortè post  
Diuos IAGELLONES, CASIMIROs, & pijssimos Magnos CAROLOS facile quæren-  
da, qui velint & satagant Reipub. vtilitati, proprio patrimonio vel misero-  
rum indigentiae seruire: sed æternitatis certiores possessores. Obone DE-  
VS! quis istam inusitatam liberalitatem recognoscit non ingrato animo li-  
beralissimam? Mecænatum in me Poloniam voluntatis effusam significa-  
tionem, siue publicum, siue priuatum studium spectet. Quod quid aliud  
est? quàm Regalis & inusitæ munificentiae æternum spirantis & reuiu-  
scentis Mnemosinon: In hac Ciuitate, hisce mænibus velut Alpibus cin-  
ctam? Italiam & Græciam Academiam habebimus. Florebunt literæ. Hic  
erunt Athenæ. Florebit omnis eruditio, & ad veterem illam frequentiam  
exurget nobilissima iuuentus. Illices hæc literæ: quæ insigniter euectæ, &  
à nouo nunc Athlante Illustrissimo IOANNE ZAMOYSKI Praefecto Ka-  
lusien. dignissimo sustentantur. Isti medius fidijs parietes nouiter exstru-  
cti isti lapides, hæc saxa, credite mihi loquuntur, testantur, memoriam &  
gratitudinem suam longæuæ posteritati profitentur. Istam boni publici cu-  
ram, hanc gratiam literæ gratæ semper referent, nec intercidere eorum fa-  
mam patientur; Vt quamdiu Musarum hoc domicilium, seminarium Ec-  
clesiæ & Reipub. constiterit, tamdiu Inclyta Domus Zamosciorum, per  
quos literæ & Literati viuunt, viuat, floreat, perennet. Nulla nascetur æ-  
tas tam furda, quæ eius non exaudiat commendationem. Nulla tam re-  
motà à sole natio, quæ profusæ liberalitatis vberem suis Principibus non  
exhibeat ad imitandum materiem. Ita minimè degener tantarum virtu-  
tum ex asse Hæres factus Illustrissimus IOANNES ZAMOYSKI ergà  
Rempub. ergà Literas honestissimas; vnicuique viam referat patentem,  
cum eandem animi vim & propensionem, Auitum, paternum, mater-  
numque animum, & quosdam peculiare à naturâ insitos ad munificentiam  
habeat igniculos. Non modo enim Magni AVI, Magni PATRIS pi-  
am voluntatem fidelissimè exequitur, verumetiam præclara & magnifica,  
partim perficit, partim exstruit, numerum Professorum, statum Acade-  
miæ, rem & censum eius auget, promouet, & in dies maiora meditatur.  
Neque sermonem vanum nectam, vbi res ipsa loquitur; neque amplius  
adijciam soli lumen, nec fonti aquam. Videte velim an non par genius,  
non par ingenium eius, cum Maioribus suis elucescit? AVVS olim Sapi-  
entissimus nomine STEPHANI BATHOREI REGIS, ANTONIVM  
MVRETVM virum de eloquentiâ & omnibus Literis meritissimum, nu-  
merosissimo & honestissimo præmio è SAPIENTIÂ Romanâ euocabat;  
vt ~~vix~~ eiusdem MVRETI scripta contestantur. Idem ipse Auus FR. DO-  
MINICVM CONVALLIVM NEAPOLITANVM Ord. S. Francisci Mi-  
nor. Conuent. S. T. Doctorem in Academiâ per se erectâ, Ordinarium  
Professorem ex Italiâ, ex Germaniâ clarissimos viros ADRIANVM &



HERMANVM Iurisprudentiæ & Matheseos laboriosissimos explanatores acciuerat. Clarissimos SIMONIDAS, BURSIOS, VRSINOS, KISLICIOS, STARNIGELIOS, STEPHANIDAS, TVRSCIOS, SAPELIOS, cæterosque cultissimæ Literaturæ Præsides, Filio erudiendo Præceptores & Directores præfecerat. Parens Professorum & Directorum laboris & vigiliæ non immemor, tam sui, quàm in Academiâ suâ commorantis luentutis, quoad vixit gratus in debito honore, amore & præmio exstitit. Quid Nepos AVVM, quid Filius PATREM æmulari & imitari cupidus? Excellentissimus pro me IOANNES LEONICENVVS Physicæ, Medicinæ, Chirurgiæ Doctor, primus paucos ante menses Anatomix & Bothanices Ordinarius Professor, eruditione & industriâ magnus, Patauio ad publicam, ad Academicam Zamoscensem Cathedram accersitus, agat velim. Quid memorem Excellentissimum æquè ac Doctissimum virum, raræ eruditionis ADALBERTVM GRIGLICIVM I. V. Doctorem, Literarum tam Hebraicarum, quàm Arabicarum, tam Syriacarum, quàm Græcarum cultorem eximium? Sed non est inquisitio, quæ in aperto sunt, memorare. Ego breuibus hæc de amore in Patriam suam optimi ac incomparabilis Literarum & Literatorum Patroni contendo, quo in dies aspirat non absque sumptu maximo, vt aliquando liberrima Gens Polonorum eruditam fortitudinem, fortem eruditionem politæ antiquitatis prouocare, vel imitari possit. Quæ enim olim duo,

*Romanos rerum Dominos gentemque rogatam.*

Armorum scilicet disciplina, & Literarum studium, supra cæteras Gentes, supra sydera euexerunt. hæc etiam ipsa pari iure in Polonia primitus per ZAMOSCIOS, vt domi militiæque ad Romanam gloriam facile processura, fauenti aurâ munificentissimorum Patronorum speramus & optamus. Materies gloriæ Polonis non deerit, adsit modo voluntas, & Magnatum in Literas munificencia, procerto æmulabimur his, qui ea habent, quæ nos habere cupimus. Præcipue cum arescat bonorum ingeniorum vigor, si pabulo suo virorum scilicet Principum patrociniò ali, nutriri, vegetari nequeat. Verturium Mamurium temporibus Numæ narrant inter præcipuos artifices floruisse, peltæ cælitus demissæ ad Romanæ Reipub. salutem, vndecim alias non absimiles adeò construxisse, vt eæ ab illâ, nec à Rege quidem dignosci possent: Vtinam verò in hoc sæculi præsentis afflictò statu, tales habeamus Verturios, qui non euertant, sed ad se conuertant bona ingenia: qui bonarum Artium & cultioris Literaturæ viros, peltas has missas ad propagandam Orthodoxæ Fidei religionem, ad tutandam Patriam alliciant, promoueant. Sed hæc antea optare quidem licuit, nunc ne sperare quidem. humanarum rerum nunc quis ordo, vis scire? hic: Quos DEVS, natura, merita ad officium & sellas sapientiæ destinat, eos malitia & factio condemnat & detrudit. Hæc infelicitas Literatorum, hæc calamitas Literarum, quod Patronos raros, clientes habent aut nullos. Felicius illud fuerat sæculum, quo Vespasianus ( vt Suetonius refert ) ingenia & artes fouit: primus è Fisco Latinis Græcisque Rhetoribus, annua centena pro stipen-



stipendio constituit: vt nostra moneta fert, mille quingentos philippeos  
siue vngaricos. ANTONIVS singulis Philosophorum mille aureos salarij assi-  
gnauit. ALEXANDER ille Magnus Pyrrhoni Philosopho sibi obuio, decem  
millia aureorum obtulit. Xenocrati Platonis familiari, quinquaginta ta-  
lenta dono misit. Paucos admodum reperire licet, qui vtrosque foueant,  
qui manum auxiliatricem porrigant Patriæ amore capti, proprio illi ære  
non de alieno liberales, subseruiant. Corroboret & diutissimè seruet Deus  
Maximus Athænei huius Patronum Illustrissimum KALVSSIEŃ. CAPI-  
TANEVM, posterior quidem tempore est, sed famæ & omnis immortalitatis  
cupidus, maxima quæuis spirat pro Patriæ bono exantlanda: Nihil  
abiectum, nihil mediocre, nihil humile generosum eius pectus cogitat,  
omnia cælo & Faustorum titulis nobilissimis digna. O me felicem Poloniam!  
hisce & talibus præsidijs munitam! quæ non modo Ciuibus meis ornamē-  
to, sed etiam apud Posteror & exteros laudis, gloriæ, & memoriæ pulcherri-  
mo honestamento sint futura. Quod si Lacæna aliquando mulier gaudio  
intimo gestiebat, quòd non inutile terræ pondus filium genuisset, quis non  
gratulabitur mihi eximijs & magnæ spei virtutibus præditum, habere Fili-  
um, ad magna Natum ZAMOSCIVM Illustrissimum PRÆFECTVM  
KALVSSIEŃ, qui omnem conatum & industriam, omnem laborem & vo-  
luntatem, periculosam & longinquam peregrinationem vnicâ boni publi-  
ci causâ sustinens, quæ ad prudentiam, ad propugnandam, augendam, &  
ornandam rem communem facit. Quapropter iure merito ( liceat mi-  
hi Te Illustrissime Literarum & Literatorum Patrone, quamuis absentem  
alloqui ) die hodiernâ Diuo IOANNI BAPTISTÆ, Patrono Tuo Tute-  
lari consecratâ, pro tot in me Patriamque tuam Maiorum & Tuorum col-  
latis beneficijs: En Patria Tui amantissima, tua Academia grata vota su-  
scipit, pro tuâ incolumi salute in memoriam perpetuæ gratitudinis appen-  
dit, pro Te DEVM immortalem, octauo Calend. Iulij, intimas preces fun-  
dit, ad aras supplex deuoluitur: vt reducem quàm citissimè videamus.  
Pro Te Domûs Inclyta Consanguineorum & Affinium chorus, pro Te  
Equestris ordo, pro Te omnis conditionis homines supplices manus in cæ-  
lum tendunt. Litamus DEO omnes iustas gratias, cuius munere & bene-  
ficio, tres iam annos climactericos, felix & beatus superâsti. Precamur  
submissâ mente, ne vnquam aduersam fortunam experiaris. Det Tibi  
DEVS fortunam Magni AVI in rebus gerendis robur & dexteritatem, in  
superandis hostibus audaciam & magnanimitatem, in aggrediendis forti-  
tudinem animi, in bonis ingenijs promouendis bonitatem & liberalitatem.  
Det in consilijs dandis pijsissimi Progenitorijs prudentiam, in iure dicendo &  
bono Reipub. promouendo æquitatem & iustitiam. Det seris canescentem  
annis, semper florentem Tithonij, inoffensum Socratis, felicissimum Po-  
lycratis Samnij, Longæuum Cumæ Sybillæ vitæ cursum & decursum, vt  
plenus honorum & bonorum dierum, lætus cum Repub. cum Academiâ  
& Literis vigeas, floreas. Ita faciat facilis ad pia piorum vota DEVS, fa-  
ciat Diua DEI MATER, vna Mater inter Virgines, vna Virgo inter Ma-  
tres.



tres. faciat Magnus Præcurfor & Denuntius IOANNES BAPTISTA.  
Cui ego Polonia, cui vos omnes, mente, voce, linguis, corde, ore læti &  
alacres, solennem gratiarum actionem die hodiernâ instituimus, cum fau-  
stâ acclamatione; Viuat Lechici Poli suauissimum pignus, viuat

Familiæ ZAMOSCIORVM ocellus, IOANNES CA-  
PITANEVS KALVSSIENSIS,  
DIXI.

## AFFECTVS MARTIS CVSTODIS P O L O N I Æ,

Ergà Inclytam ZAMOSCIORVM Familiam.

**A** Rma virum clamant fortem, excubias agit hostis  
Ad fines Regni: iam iam sunt bella cienda.  
Impius instat trux Kozakus, Turca superbus.  
Arma Scythes pernix meditatur, telaque tendit  
Belligeræ Lechiæ: bellum cum gente Polonâ  
Ocyus expetit, & vires audacia promit,  
Inde mali labes, Lechicæq; infamia Gentis.  
Grassatur latè per campos bestia ringens,  
Ira furit, rabies sæuit, facibusque cruentis  
Indicit bellum: querens prædam ore feroci.  
Ceu lupo est Scythæ, trux quem nocte mapalia fidi  
Latratu populèrè canes, vestigia retrò  
Pressa refert, nemora alta petens caudamq; remulcet  
Hirsutam: vacuoq; dolet discedere rictu.  
Cædis amor, rabiesque sitisque immensa cruoris  
Exstimulat, tuti hostes qui veniunt, abeuntq;  
Querendum effugium, quo Cyclopum fugiamus  
Carnificinas has: vitandus præpropere hostis.  
Hæc laus est fortis Ducis, hæc hæc maxima virtus  
Est maior, Cines Patriæ seruare fideles.  
Sic fecit Magnus Patriæ Pater, alter Achilles,  
Dulce decus Regum, Patriæ sincerus amator.  
Religionis Athlas, fidei, terrorq; malorum,  
Ille ZAMOYSKI pol cuncto notissimus Orbi.  
Quem agnouit Moschus, Valachus, Scythæ, Turca superbus,  
Cui tot pompasos cum laude dedere triumphos  
Hostes: Martisonæ genti sub iura sarißæ,  
Ante pedes Lechiæ clare sua terga ferentes.  
Est ouibus non tam terrori turba leonum,  
Quam SARIO Duce semper erat spes hostibus exul.  
Busta Sudermani testantur sanguine sparsa

Hercu-



*Herculeâ dextrâ ZAMOSCÎ oppleta sepulchra.*  
*Urbes, Felinum populosam nomine dictam,*  
*Kyrcholmum inuictam, Dinemundamq; præaltam,*  
*Et Konkenhausum, Derpatum, Valmariamq;*  
*Vendam, Pernauiamq; simul Reulumq; Rigamq;*  
*Omnes Bellator Suecis ZAMOÏSCVS ademit,*  
*Nunc opus est socio mihi vel tali Duce forti*  
*Qualis erat SARIVS iam iam numeratus in astra.*  
*Talis nunc hodie surgat, qui ex ossibus eius,*  
*Maiorum passu equali vestigia scandat,*  
*Athera syderibus, virtutibus impleat orbem.*  
*Spes votis positura scopum, Mars forsque fauebit,*  
*Vnde Auus, unde Pater famâ compleuerit orbem.*  
*Ocyus arma rogo ignipotens Vulcane fabrorum*  
*Adsis cum socijs, & nudus membra Pyracmon,*  
*Brontes, Steropes, vasto cyclopes in antra*  
*Ocyus arma ZAMOYSCO cudite cudite Lemno*  
*Antra æthnea tonent validique incudibus ictus*  
*Ingentem referant gemitum strepitentque cauernis*  
*Stricturæ chalybum & fornacibus ignis anhelet*  
*Hic fauor est cæli, hæc laus, & fortuna ZAMOYSKI.*

*Ioannes à Mirow Myßkowski, Capitaneid.*  
*Tyssouien.*

## MVLCIBER AMPLISSIMÆ DOMVS ZAMOSCIORVM TRIBVTARIVS.

**A***Dsum præsto, quod iubeas, haud iussa morabor,*  
*Et nunc si bellare iubes, atque hæc tibi mens est,*  
*Quidquid in arte meâ possum promittere cura,*  
*Quod fieri ferro, quod cum socijs queo electro,*  
*Quantum ignes, animæque valent præstabo ZAMOYSCO.*  
*Pectora sunt potiora illi, est vigor omnis in illis*  
*Ille modo ritus ut complectatur auitos.*

*Arma Duci socij quam primò parate futuro.*  
*Contra Kozakos crudeles: hostesque rebelles*  
*Præcipitate moras & ferrum sentiat ignem,*  
*Sint enses, clypei, galeæque aciesque Sarissis,*  
*Ensis detectus faciet, roburque ZAMOYSKI*  
*Cum hostes finibus è Patriæ discedere coget.*  
*Cudite Cudite loricas galeasque ZAMOYSCO.*  
*Cudite & innumerum clypeos hastasque parate.*



*Dux bone praesto tibi sunt enses, arma, secures,  
Quid valeant vires, quid mentis robore possum  
Omnia praestiteram tibi, viribus arma ciendo,  
Accipe denotam de grato pectore mentem.*

## MARS VVLCANO.

**M**agnas reddo tibi grates Vulcane fidelis  
Quod promptus fueras in insis expediendis  
Te Te adiutorem appello sociumq; laborum.  
Nunc abeo varijs in terris persequar hostes,  
Tu maneat solus ZAMOSCI cernere facta,  
Nam properat longinquis oris alma propago.  
In quo Patris, Aui. Magnorum bellica Virtus  
Elucet: bona spes Patriæ, timor omnis abesto.  
Ergo tui fidi conserva facta laboris,  
Ex armis, illi ut surgat noua gloria seclis.

## A POLLO VOTIVVS. CHARITES AD VOTA INVITAT.

**I**ngratus verò sim, ne dicam impius, Sacra Musarum domicilia, si inter tot auspicatissimos gestientis & gaudio exsipientis Poloniæ applausus, Illustrissimo nostro Patrono, non omnes hodie lauros deferamus. Ingratæ, sed imprimis vos tres germanæ sorores; si die hodiernâ Illustrissimo Literarum & Literatorum Mecænati, tantam non congratulemur diei Natalis solennem festiuitatem, & festiuam solennitatem. Redimere igitur silentium non possumus, ne ingrati, & impij erga Patronum videamur. Hodie qui lætari non potest impius esto: qui vnico ZAMOSCIORVM Phœnici non congratulatur sacrilegus esto. Gaudeamus ergo & lætemur, ob ingentem veri gaudij & lætitiæ accessionem, tanto lubentiùs, quanto meliùs sanitatis robur, Illustrissimi Patroni nostri & scimus & optamus esse incolume. O vtinam quantocius genæ nostræ sint gelasini Democriti, & corda animique nostri conuertantur in gaudiorum materiem, vel ipsa gaudia essent animi nostri. Cor anceps & dubium loquitur, aures cordis anteaambulæ testantur, oculi vicari, sed increduli, veram lætitiâ cordi denegant: Attamen os loquitur, quia Patronum desiderat. Deum Opt. Max. pro illo exorat. Ita necessum est, vt os aliquando ex plenitudine gaudij loquatur. Cor custos omnium rerum lætitiâ scateat, & illâ, quæ non nisi ab oculis. Multum enim aures conducunt ad lætitiâ, sed ad veram plurimum oculi; hæ præteritorum, illi præsentium, spes dubia futurorum. Sed tu miserator DEVS, benigne DEVS, faue amplissimo Patrono nostro, illi dico Magnorum ZAMOSCIORVM inclytæ Propagini, quæ veluti arbor excelsa est: cuius rami Roxolanas nostras Athenas tegunt, & protegunt, sectatores cul-



res cultioris literaturæ ab æstu inuidorum eripiunt ; vt quibus noctes Atticæ molestæ sunt diuturnitate absentiæ, luce beneficæ præsentia eius temperatæ, recreentur. Ille enim noster Patronus est, qui non solum sibi natus est, sed partim Patria sibi illum vendicat, hæc Academia, amici, partim clientes, & Literarum Alumni. Ille enim est, cui amorem Respub. & serò veniens posteritas denegare nec potest, nec debet. Nam multo tardiùs ZAMOSCIOS virtutis fama deferet, quam Scipiones, Marcellos, Camillos, Fabricios, Cæsares, Calatinos, & alios sexcentos horum perfimiles. Lateant nunc illi & fileant : vt fama venturis sæculis, ZAMOSCIORVM pietatem in Deum, amorem in Patriam, munificentiam in literas, loquatur testatissimam. Sed nos miseros, qui suadæ medullæ lacte, non nutriti inter olera, ac si anseres obstrepimus : sed venient posterì, qui sine æmulationis prurigne Magnorum ZAMOSCIORVM Lumina & Numina, illustriori calamo orbi propalabunt vniuerso. Quocirca si Polonia nostro pro Patrono, tanta ad DEVM feruentia miserit vota, quæ terras globique huius sublunaris angustias penè egressa, cælo vix capi posse viderentur. Decet profectò & nos, vt memoriam qualem qualem tot acceptorum ab Amplissimâ Domo beneficiorum, nunquam intermorituram testemur, & singularem munificentiam extollamus : præsertim hocce die Honori & Nomi- ni D. IOANNIS BAPTISTÆ Patroni tutelarìs, Amplissimi Benefactoris consecrato : Et debitum quidem officium prope iure suo cupitam & vendicatam à nobis efflagitare videtur gratulationem. Cum nihil nobis optabilius, quàm vt citissime Patroni conspectu : & diu votis expetito aspectu fruamur. Vos ergo sorores, si tantum sorores, & non fratres, ad DEVM Opt. Max. ad Tutelarem Benefactoris nostri Patronum D. IOANNEM BAPTISTAM, vota ex animo persoluite. Stultam antiquitatem, quæ Gratiarum fæminas finxit an pinxit. Nam si viri essent, in solo ZAMOSCIORVM Gentilitio profectò hi tres essent ; quorum scilicet sonus in omnem retro futuram posteritatem durabit, perennabit, æternabit ; Et hanc gloriæ Illustrissimi Mecænatis famam, quidquid hodie est eruditorum, ad castæ Minervæ Nepotes mecum deferent vniuersi.

*Casimirus Prusiniowski, Succam. Belzén.  
Filius.*

*государи*

De diutinâ absentia Amplissimi Mecænatis sui mirum in modum sollicitæ, vario Idiomate, pro incolumitate eius vota expediunt.

A G L A I A.

*SI tuus iste merus Respublica Lechica maror  
Non minor est, qui me torquet agitq̃ dolor.  
Illa ego letitiam præ cunctis corpore gestans  
Cogor nunc tristis spargere rore genas.*

*E*

*Postquam*



Postquam praesidium Musarum dulce recepit,  
 Inter & orbatas squalida oberro Scholas.  
 Huc illucq; erramus mæsta mente sorores,  
 Inficimus roseas & madido imbre genas.  
 O dolor? ô studijs nimium sors inuida nostris?  
 Serues dimidium, nostræ anima incolume:  
 Cunctarum vox est, ad nos Patrone reuertas  
 Fax studij nostri, vita, decusque meum,  
 Ipse Pater viridis Parnassi magnus Apollo  
 Pro verbis tantum dat pia vota D E O.  
 Viuat Mecenas Atavis, cuncto inclutus Orbi  
 Et quibus in calis, est suus estq; locus.  
 Maiorum extollant virtutes sidera cali  
 Per terras nobis, Te ferat ipse D E V S.  
 Tamq; diu viuas, dum mustis uua tumebit,  
 Ocyus atq; ad nos, incolumis redeas.  
 Viue Patrone Tuis, dum carmina culta Maronis  
 Discentur numeri Naso Pœta tui.  
 Viue Patrone Stoe, pisces dum fonte natabunt,  
 Ocyus atq; ad nos, incolumis redeas  
 Viue Patrone D E O Tenedos, dum stabit & Ida,  
 Dumq; tuo stabunt, clara Lycea solo.  
 Viue Patrone Scholis, Patriaq; Tuisq; D E O q;  
 Longos Cumæos, viue Patrone dies.  
 Cresce, vige in titulos magnorum asurgeq; Auorum  
 Magnus & in Patria, tutior esse potes.

Christophorus Bielecki, Vice-Capitan.  
 Kremecen. Filius.

## E V P H R O S I N E.

**N**ie tak cieſkie Káydańy z kuźnice Wulkaná  
 Ktolemi Andromeda była przykowána  
 Do skały: ábo Klámki ktore Tycioná,  
 Dzierża ná pokarm Sepom, z Dekretu Plutoná  
 Niežnośnieyſe ſa petá, ktore w niebytnoſci  
 Wielmożnego Pátroná, ponoſiem w teſknoſci  
 Sercá náſe okowem, żeláza twárdego,  
 Przykowáne do skały, teſknienia náſzego.  
 Przez ten bowiem czas ſmutny od żalu topniecia  
 Myſli náſe, y ſercá w żáłoſci ſtekáia:  
 Świetne gory Párnaskie, o náſey żáłoſci  
 Daycie ſwoie ſwiadectwo, y niſkiey ſkłonnoſci,

Przed



Przed Boskim thronem, gdzie nasze iągody  
 Nie raz ziemię skropiły, serdecznych łez wody.  
 Ogłuszone mieszkánia w których my swoiemi  
 Co dzień wołamy Boże, naszymi prośbami  
 By Pátroná naszego, w dobrym zdrowiu chował  
 A nas trzech Siostr młodości, smutkiem nie frásował.  
 Bo lubo wiadomością, że zdrowia dobrego  
 Zmysły wzdiem y siły, cieśemy się z tego.  
 Iednak oko niewierne, wierzyć niechce temu  
 Zaczym smutnym bydz káże, y sercu naszemu.  
 Prawo bowiem oká iest, z sercem wespół chodzić  
 A sercá tá powinność, z stonych łez wywodzić.  
 Serce szczyrość oświadcza, świádek wśech skrytości  
 Nád to śluby záwieśa, dla lepszej pewności.  
 Oddáiem y my wdzięczność, gdy to uznawamy  
 Dobrodzieystwo Pátronów, z tym się oświadczaamy.  
 Wam zá to cześć niech będzie wielowładne Párki  
 Które iesteście zdrowia, rozdátne sáfárki  
 Smuycie żydło w wiek dlugi, Pátroná naszego  
 Popuścáiac przedzianá, według zdánia swego.  
 Niech náš żyie Mecenás ná potomne czasy  
 Poki beda stać w puszczy gáleziste lásy  
 Poki będzie zyrował zwierz w zielonym leśie  
 Abo poki dzień iásny, záranie ponieśie.  
 Iák wiele morskie brzegi, piasku w sobie máia  
 Y z rybámi co w stáwách, Z amoykich pływáia.  
 Ták wiele dni szczęśliwych, szczęścia łáskáwego  
 Vproś IANIE KRZCÍCIELV, dla dobrá naszego.  
 Nam nielzá tylko teskność, słowámi pokrywśy  
 Stonemi łzámi karmiac, oczy odwroćniwśy.  
 We dwoiákie krynice pretko schnacey wody  
 Iák Siostry przyrodzone, brátniey płáczá skody.  
 Ták y my dlugo bedziem, topić się w záłości  
 Poki swego nie użyżem, Pátroná w cáłości.  
 A teraz siadśy z siostry, Párnásu gornego  
 Bedziem z gory wygládáć Dobrodzieiá swego.

Nicolaus Abrek, Studiosus Poëseos.

## THALIA

παντὰ καλῶς ἔσῳ' ὅταν εἰς προσυλῆς Ζαμύουσι

σωος ὅταν παρῆις, νῦν τότε παντὰ καλῶς

χαίρει ὅπλων πατρίδος, σὺ παππὲ σιμμά Ιωαννῆ

Ἐπᾶρ' ἀκαδημικ' ἐχᾶ Φημάτα, χαίρει πατέρ.

Ioannes Druzbiec.



N V N T I V S L A V R E A T V S:  
A C A D E M I Æ.

I L L V S T R I S

Magnorum ZAMOSCIORVM & OSTROGIORVM sanguis  
Quo Regina Libertatis Polonia recreatur,  
In vnico Phænice IOANNE ZAMOSCIO hodie Poloniæ illuxit.

G A V D E

Cum Patronum incolumem suspexisti

A C A D E M I A.

Lætiolem si quando habuisti meridiem in Orbe Polono,

Quam cum benefica lux Patriæ,

Cuius continuo desiderio distinebaris,

Feliciter ab exteris, ad Lares Patrios regreditur.

Quantum Lucis, Orbi Sol impertit,

Lætitiæ tantum Literarum & Literatorum Patronus

P A T R I Æ

E r

A C A D E M I Æ.

Nemo nouit quantum in illos dominium tyrannis habeat,  
Qui de absentia Patroni sui continuo sollicitantur.

Modici desiderij momentum,

MONVMENTVM EST.

STA HÎC RVDIS CALAME.

E T

Solicitam exhilara mentem lætitiâ

Cum Patronus adest munificentissimus,

Præsentaneum illius animum

V E N E R A R E.

Maximo cælorum beneficio redditum,

Minus ergò terræ, quàm syderibus debes

A C A D E M I A.

Pars magna solatij, ingens ad lætitiâ gradus,

Patroni desideratissimo aspectu frui,

Maximum; quia publicum bonum est.

Absint interpretes,

Academia loquatur

Vt Orbis intelligat.

Munificentissimæ Domûs ZAMOSCIANÆ

Tàm in BELLONÆ castra, quàm in MINERVÆ claustra.

B E N E F I C E N T I A M.

Georgius Zelinski, Pocillat. Braclauien.  
Filius.









